

Solbjørg Kvålshaugen

DNT Oslo og Omegn v/ Lise Havik

SAKSBEHANDLAR: KARI SVEEN

ARKIVKODE: 2013/1014 - 432.3 DATO: 31.01.2014

JUSTERING AV TIDSPUNKT FOR OPPSTART AV KVISTING FRÅ FONDSBU - DELEGERT VEDTAK

Viser til telefonsamtale i dag, 31.01.14, og til e-post som grunnjev behovet for å starte kvisting av løyper frå Fondsbu nokre dagar tidlegare enn 10. februar. Viser vidare til arbeidsplan for Fondsbu, oversendt frå Lise Havik i dag.

Bakgrunn

DNT Oslo og Omegn har gjennom vedtak i Nasjonalparkstyret for Jotunheimen og Utladalen i sak 13/2013 eit treårig løyve for motorferdsel i samband med drift og vedlikehald av turisthytter og kvisting av vinterruter i perioden 2013-15. Dato for oppstart av vinterstikkinga er i løyvet sett til 10. februar, da dette har vore vurdert som tilstrekkeleg i høve til opning i vinterferien. Ut ifrå at Fondsbu nå skal opne 14. februar, ser ein at det kan vera ønskjeleg å kunne starte 4. februar – slik det er søkt om i e-post av 31.01.14 frå Solbjørg Kvålshaugen.

Vurdering

Vurderingar i høve til naturmangfaldlova når det gjeld kvisting frå 4. februar er om lag dei same som gjort i høve til oppstart 10. februar – jf vurderingar i sak 13/2013. Det er likevel slik at det av omsyn til dyrelivet er ønskjeleg å behalde ein periode midtvinters utan tilrettelegging for trafikk. Det vil såleis ikkje vera nokon automatikk i at ein skal kunne utvide tidsrommet med kvisting litt etter litt – etter kvart som enkeltaktørar ønskjer det. Det vil vera greitt med eitt enkelt unntak, men dersom DNT ser behov for fleire justeringar, er det viktig å ta dette opp i ein større samanheng for samla konsekvensvurdering.

Nasjonalparkstyret for Jotunheimen og Utladalen har ved vedtak i sak 11/2013 delegert myndigheit til å treffe vedtak i saker som gjeld søknad om løyve etter enkelte spesifiserte formål i verneforskrifta til nasjonalparkforvaltarane, m.a. når det gjeld «*Køyring for utføring av sikringstiltak, t.d. merking av løyper*» i medhald av pkt. 5.3.3.

Det er på grunnlag av dette og vurderingane over gjort slik **Delegert vedtak**:

Med heimel i § 3 pkt. 5.3.3 i Forskrift om Jotunheimen nasjonalpark av 05.12.1980 får DNT Oslo og Omegn godkjent følgjande endring i gjeldande løyve for motorferdsel i samband med drift og vedlikehald av turisthytter og kvisting av vinterruter i perioden 2013-15:

Oppstart av kvisting kan skje frå *04.02.14* innan området som Fondsbu v/ Solbjørg Kvålshaugen har ansvar for. Dette er ei justering av startdato i høve til det som står i gjeldande løyve, og gjennomføring skjer på same vilkår som gjeve i pkt. 3 i det tidlegare gjevne løyvet, der følgjande punkt er særleg relevante å merke seg for den praktiske gjennomføringa:

- All motorferdsel knytt til både kvisting og re-kvisting skal varslast til oppsynet på førehand, jf. generelle vilkår i pkt.1. Varsling skjer til SNO v/ Rigmor Solem (Mobil: 959 65 158 – E-post: rigmor.solem@miljodir.no)
- Kvistinga skal leggjast opp slik at motorferdsla for heile verneområdet blir minst mogleg, med samordning med andre som har legitime behov for motorferdsel, t.d. hjelpekorps

- Dei løypene som kan kvistast skal vere innteikna på eit eige kart, jf forvaltningsplan (som skal følgje denne dispensasjonen)
- Grunna ver og vind og andre forhold kan det vere behov for inspeksjon og re-kvisting. Den som står for kvistinga må gjere ei løpande vurdering, og det skal vere stort sannsyn for at kvistinga er øydelagt før ein startar tiltak.
- Kvisting ved hjelp av snøskuter e.l. skal til vanleg vere avslutta laurdag 8 dagar før Palmesøndag, og seinast fredag før Palmesøndag

Vedtaket blir i tråd med delegasjonsreglane referert for Nasjonalparkstyret i førstkomande møte.

Vedtaket kan påklagast etter reglane i forvaltningslova. Eventuell klage skal stilast til Miljøverndepartementet, men sendast via nasjonalparkstyret innan 3 veker etter at brevet er motteke.

Med helsing

Kari Sveen
Nasjonalparkforvaltar

Vedlegg:

1. Arbeidsplan for løypestikking, Fondsbu
2. Sak 13/2013 i nasjonalparkstyret
3. Gjeldande løyve for motorferdsel i samband med drift og vedlikehald av turisthytter og kvisting av vinterruter

Kopi e-post til:

Fylkesmannen i Oppland

DNT Oslo og Omegn v/ Lise Havik

Vang kommune

SNO v/ Rigmor Solem

Luster kommune